



Aðalfundur Landssambands fiskeldisstöðva, 30. maí 2008, haldinn í fundarsal Brims hf á Akureyri kl. 11:00

Formaður, Jón Kjartan Jónsson setti fundinn og bauð fundarmenn velkomna á aðalfund. Formaður bar upp tillögu um að hann stýrði fundinum og Guðbergur Rúnarson ritaði fundargerð. Tillagan var samþykkt einróma.

Fundarstjóri staðfesti að til fundarins hefði verið boðað samkvæmt lögum félagsins, en fundurinn var boðaður með bréfi, póstlagt 5. maí s.l. Fundarstjóri staðfesti einnig að aðalfundurinn væri löglegur þar sem 35 fulltrúar væru mættir með atkvæðastyrk sem næmi 79,6% í Landssambandi fiskeldisstöðva.

1. Skýrsla stjórnar og ræða Jóns Kjartans Jónssonar formanns LF.

Ágætu fiskeldismenn,

Ég vil byrja á að bjóða ykkur öll velkominn hingað í dag.

Frá síðasta aðalfundi hafa fréttir frá fiskeldi verið heldur dökkar.

Slátrað var síðustu löxunum hjá Sæsilfri í Mjóafirði á árinu og að laxeldi í Berufirði var hætt. Þess í stað hyggst Salar Islandica einbeita sér að tilraunaeldi á þorski. Með þessu er ljóst að laxeldi í fullum skala verður ekki á Íslandi á næstu árum.

Þó að miklar vonir hafi verið bundnar við laxeldi í sjó á Íslandi og þær engan veginn gengið eftir er myndin ekki eins fyrir allt eldi á Íslandi. Áfram verður eldi á laxi hjá Rifós í Kelduhverfi, Rifós hefur verið að auka sína framleiðslu með bleikju eldi meðfram laxaframleiðslu. Hjá Silfurstjórnum í Öxarfirði og hjá Stofnfiski er einnig nokkuð laxeldi. Íslandslax er einnig með seiðasölusamning við norska aðila um sölu á að minnsta kosti milljón laxaseiðum næstu ár. Lúðueldi er að styrkjast aftur því bjartara er yfir seiðasölu FISKEYJAR auk þess sem Silfurstjarna hefur fjárfest mikið til lúðueldis. Eldi á sandhverfu er einnig að eflast í Öxarfirði.

Tilraunaeldi á þorski gengur ágætlega og er vonandi að festast í sessi hér á landi. Gríðarleg framleiðsluaukning er á bleikju milli ára og eru miklar vonir bundnar við þá tegund og fjárfest hefur verið mikið í veiðum vinnslu og markaðsetningu hennar undanfarin þrjú ár. Heildarframleiðsla í fiskeldi á Íslandi nam um 4900 tonnum á árinu 2007 sem er mikil samdráttur frá árinu á undan.

Á starfsárinu komu engin lagafrumvörp til umsagnar hjá félaginu. Hins vegar hafa það sem af er þessu ári komið þrjú frumvörp komið til umsagnar. Eitt þeirra, frumvarp til laga um fiskeldi, þingskjal 831 er almennur lagarammi um fiskeldi og hvernig hann er skiptir að sjálfsögðu miklu máli fyrir okkur. Verið var að samræma lögini miðað við sameiningu ráðneyta auk þess sem gömlu lögnum var í raun skipt upp í fjóra lagabálka: stjórnáslu, stangveiðar, fiskræktarsjóð og Fiskeldi.

LF gerði ýmsar almennar athugasemdir við frumvarpið, sérstaklega um ýmis ákvæði umfram umhverfismat, t.d. viðbótarskilyrði um vistfræði og auknar kröfur um rannsóknir á kostnað umsækjenda og við heftandi lagagreinar sem hafa neikvæð áhrif á stöðu greinarinnar og skapa óvissu um útgáfu nýrra leyfa til fiskeldis. Sumar af okkar athugasemdum hlutu hjómgrunn hjá löggjafanum og aðrar ekki. Það jákvæða er að með samþykkt þessara laga í vor eru komin ein lög um fiskeldi sem heyra undir eitt ráðuneyti og hagsmunahópnum sem eru beinir aðilar að lögnum fækkar sem gerir alla framkvæmd einfaldari.

Eins og kom fram í síðustu árskýrslu LF fyrir starfsárin 2004, 2005 og 2007 beitti félagið sér til að ná ásættanlegri niðurstöðu um raforkumál með fundum með ráðuneytum, stofnunum og raforkufyrirtækjum. Niðurstaða þessara viðræðna var að Landsvirkjun veitti nokkrum fyrirtækum



einhlíða afslátt á raforku til þriggja ára sem rann út í lok ársins 2007. Þá sendi LF landbúnaðarráðherra bréf þar sem félagið óskaði eftir því að hann beitti sér fyrir því, að rekstrarforsendur og samkeppnisstaða fiskeldisfyrirtækja versnaði ekki til mikilla muna frá því sem nú væri. Með fréttatilkynningu 18. apríl 2006 tilkynnti ríkisstjórnin eftirfarandi um raforkumál:

„Ríkisstjórnin mun leita leiða og vinna að því að sambærilegt raforkuverð gildi fyrir stærstu fiskeldisfyrirtækin eftir að núverandi samkomuleg fyrirtækjanna og Landsvirkjunar rennur út. Ríkisstjórnin leggur með því áherslu á að fiskeldisfyrirtækin búi áfram við sömu kjör og nú gilda”.

Á þessu starfsári hefur félagið verið í samskiptum við sjávarútvegs- og landbúnaðarráðuneyti og ráðherra til að minna á fyrirheitið frá 18. apríl 2006. Þessari vinnu mun félagið halda áfram og við treystum að staðið verði við gefin loforð frá 2006 og að allir félagsmenn geti notið góðra kjara á raforku.

Aðalfundur félagsins fyrir starfsárið 2006 var haldinn í starfstöð eldisfyrirtækisins Íslandsbleikju á Stað við Grindavík, 31. maí 2007. Í tengslum við aðalfundinn stóð LF fyrir fiskeldisráðstefnu í samstarfi við ýmsa aðila og sóttu rúmlega 30 manns ráðstefnuna. Starfsemi Íslandsbleikju og þrjár starfstöðvar voru skoðaðar þennan dag og var félagið að kynna nýja og fullkomna bleikjuvinnslu sína.

Félögum í LF fækkaði um einn á milli ára. Atkvæðafjöldi á aðalfundi fyrir starfsárið 2006 var 51 en eru nú 44 sem veldur tekjuminnkun félagsgjalda. LF er hagsmunagæslu aðili fiskeldisaðila á Íslandi. Það tengir saman stjórnvöld og fiskeldismenn og er sá aðili sem stjórnvöld leita umsagnar hjá varðandi lög og reglur sem tengjast fiskeldi. Það er að mínu mati nauðsynlegt að hafa slík samtök sem standa vörð um hagsmuni fiskeldi á Íslandi almennt.

Undanfarinn ár hefur félagið komið að stórum málum sem tengjast löggjafanum og framkvæmd laga auk þess sem unnið hefur verið í raforkumálum eins og áður sagði. Ég tel að það sé styrkur fyrir okkur að vera með alla aðila innan eldisins í félaginu. Þannig getum við haft áhrif auk þess sem við getum verið vettvangur skoðanaskipta og upplýsingagjafar til eldismanna á Íslandi. Fram hafa komið hugmyndir um aðkomu LF að því hvað er verið að rannsaka, tengt fiskeldi á Íslandi og hvert eigi að stefna rannsóknum tengdum okkar iðnaði og tel ég að þarna eigi að vera hægt að nýta þá þekkingu sem er hjá félagsmönnum.

Í lögum um fiskeldi er grein sem kveður á um, að fiskeldismenn skulu vera með hagsmunafélag, þ.e. Landssamband fiskeldisstöðva sem gæti sameiginlegra hagsmuna fiskeldismanna. Það er von mín að fiskeldismenn sem ekki eru í félaginu gangi til liðs við það í kjölfar þessa. Það er markmið okkar að allir fiskeldisaðilar njóti þeirra verka sem félagið starfar að og það er einnig von okkar að þeir sem fyrir utan standa komi til liðs við okkur nú ekki síst í kjölfar nýrra laga um fiskeldi.

Markaðsátak fyrir bleikju 2007

Félagið er í samstarfi við Menju, Samherja, Landbúnaðarráðuneytið og Íslandsbleiku um markaðsátak fyrir bleikju 2007 – 2009. Markmið verkefnisins er að stækka erlenda bleikjumarkaði í takt við aukna framleiðslu hér á landi á næstu árum og hugsanlega erlenda samkeppni í náinni framtíð. Koma í veg fyrir verðfall á bleikju vegna aukinnar framleiðslu og framboðs á bleikju. Verkefnið er styrkt af Framleiðnisjóð landbúnaðarins og AVS rannsóknasjóði.

Félagið stóð að kynningu á bleikju í þriðja sinn á sjávarútvegssýningunni í Brussel, 23 til 26. apríl 2007 í samstarfi við sölufyrirtækið Menju ehf. og Samherja hf. Styrkur fékkst frá AVS rannsóknasjóði og Framleiðslusjóð landbúnaðarins til að standa undir hluta kostnaðar við sýninguna. Í febrúar 2007 fóru Menja ehf., Samherji hf. og Íslandsbleikja markaðs- og kynningarferð til Boston á vegum Bleikjuverkefnisins til að kynna bleikju. Árangur af verkefninu Markaðsátak fyrir bleikju er að skila fleiri viðskiptavinum í Bandaríkjunum og Evrópu sem kaupa bleikju frá Íslandi. Að auki tók félagið á þessu ári þátt í sýningu í Svíþjóð með Menju sem töluverðar vonir eru bundnar við. Tilgangurinn með að LF sé að standa í slíku markaðsstarfi er að þeir viðskiptavinir sem koma til okkar nýtist fleirum ein einum framleiðanda.

**Þorskeldisráðstefna.**

LF var þátttakandi í þorskeldisráðstefnunni, Stöðumat og stefnumót í þorskeldi, 29 og 30. Nóvember. Ráðstefnan var vel sótt.

Ljóst er að í Noregi er þorskeldi að slíta barnsskónum og á næstu árum munu þeir framleiða þúsundir tonna af þorski. Þessi þorskur verður allur seldur í beinni samkeppni við Íslenskan villtan þorsk með því afhendingaröryggi sem góðu eldi fylgir. Norðmenn eru að vinna og hafa verið að eyða miklum fjármunum í þróun þorskeldis undanfarin áratug. Þorskeldi þar er komið til að vera og spurningin er hvað ætlum við Íslendingar að gera í þorskeldi. Á sviðum sem tengjast veiðum og vinnslu og markaðssetningu á þorski erum við með mikla þekkingu og við ættum að nýta okkur þessa styrkleika okkar til að hefja þorskeldi.

Leiðin er ekki greið og á næstu árum verður þorskeldi stöðug leit að svörum við flóknum og krefjandi viðfangsefnum en þarna liggja mikil tækifæri. Ég tel að til að ná árangri í þorskeldi verðum við að sameina krafta okkar og ég bind miklar vonir við að aðkoma ríkisins að uppbyggingu þorskeldis verði vegleg eins og yfirlýst stefna hennar er. Það verður gaman að heyra niðurstöður nefndar um þorskeldi sem verður kynnt hér í dag.

Eldið - Slátrun á eldisfiski í tonnum, heill óslægður fiskur *Round fish*

	Áætlun									
	2008	2007	2006	2005	2004	2003	2002	2001	2000	1999
Lax <i>Atlantic Salmon</i>	375	1158	6895	6094	6020	3700	1471	2645	3370	3003
Bleikja <i>Arctic Charr</i>	3650	2145	1426	977	1336	1670	1540	1320	1364	850
Regnbogi <i>Rainbow Trout</i>	5	10	10	50	142	180	248	105	95	70
Lúða <i>Halibut</i>	30	31	141	129	123	95	120	93	30	13
Sandhverfa <i>Turbot</i>	108	70	47	115	62	32	9	3	0	0
Þorskur <i>Cod</i>	1500	1467	1412	1050	595	445	205	70	11	0
Samtals Total	5.668	4.881	9.931	8.415	8.278	6.153	3.620	4.279	4.905	3.959

Ég vil að nota tækifærið og þakka Guðbergi Rúnarsyni fyrir styrka framkvæmdastjórn félagsins á liðnu ári auk þess sem ég þakka félögum mínum í stjórninni samstarfið.

Fyrir þá sem hafa verið um árabíl í fiskeldi þá vitum við að fiskeldi er brekka. Þannig hefur saga fiskeldis á Íslandi nánast verið þyrnum stráð.

Ég tel okkur vera að ná árangri í bleikjueldi og ekki síst í markaðssetningu á þeirri tegund. Fyrirtæki í eigu Samherja hafa á þessu ári selt 35-60% meira af bleikju eftir afurðaflokkum sem er á áætlun við okkar væntingar. Þessi aukning er ofan á mikla aukningu milli 2006 og 2007.

Í þessari viku er stærsta vikan okkar í ferskum flókum frá upphafi þannig að við horfum bjartsýnir fram á veginn. Af öðru eldi er það klárlega þorskeldi sem við bindum vonir við og það er mér sérstök ánægja að vera hér hjá Brim í dag og sjá hvernig þeir að standa að sínu eldi. Öllum er ljóst að þorskeldi á nokkuð í land til að verða arðbært en ef marka má erlenda aðila í þorskeldi þá sjá þeir ljósið við enda ganganna og við munum með samstilltu átaki komast fram á veginn í þessum iðnaði.

Ég hef áður fjallað um ímynd fiskeldis á Íslandi. Fiskeldi er ein mest vaxandi atvinnugrein sem hægt er að starfa við í heiminum í dag. Þetta er þekkingariðnaður sem krefst skapandi starfsfólks með áræði, dug og hugmyndaauði að leiðarljósi. Við skulum því breiða úr okkur og vera stolt af okkar iðnaði sem á eftir að vaxa hérlendis eins og erlendis á næstu árum.



Ég vil að lokum segja að það eru þeir sem starfa í fiskeldi sem bera uppi ímynd hans og þess vegna þurfum við sjálf að vera stolt og ánægð með það sem við erum að gera og vita hvert við stefnum til að geta hrifið aðra með okkur. Án okkar er enginn árangur og enginn fiskeldisgrein.

2. Endurskoðaður ársreikningur fyrir 2007.

Guðbergur fór yfir reikninginn sem var endurskoðaður af Guðmundi Jens Þorvarðarsyni, löggiltum endurskoðanda án athugasemda og Jóhanni Peter Andersen kjörins endurskoðanda félagsins.

Rekstrartekjur fyrir árið 2007 voru 14.062.500 en voru 6.468.474 fyrir árið 2006.

Rekstrargjöld fyrir árið 2007 nam 8.285.105 á móti 5.358.644 fyrir 2006.

Fjármagnstekjur árið 2007 námu 209.336 en voru 120.912 fyrir árið 2005.

Niðurstaða efnahagsreiknings 31.12. 2007 var 8.153.883, þar af var eigið fé 8.054.193.

Farið var yfir einstaka liði ársreikning fyrir árið 2007, hann borinn upp til samþykktar og var hann samþykktur einróma.

3. Fé til ráðstöfunar fyrir starfsárið 2008.

Álögð félagsgjöld 2008	3.740.000
Bleikjuverkefni AVS styrkur 2008	3.700.000
Bleikjuverkefni styrkir frá 2007, eftirstöðvar	4.000.000
Bleikjuverkefni styrkur FL 2008 ósamþykktur	2.500.000
Bankainnistæður 1/1 2008	3.728.813
Fjármunarvextir	250.000
Reiðufé alls:	17.918.813

Útborganir 2008

Rekstrarsamningur við SF:	3.300.000
Erlend félagsgjöld (ISFA og FEAP):	500.000
Markaðsátak vegna bleikju 2007-2009	10.106.000
Styrkur Alþj.ráðstefnu um fisksjúkdóma	200.000
Fundir, ráðstefnur, ferðalög og annað:	270.000
Samtals gjöld:	14.376.000
Sjóðsstaða 31/12 2008	3.542.813

4. Ákvörðun um ársgjald.

Borin var upp tillaga um að grunnárgjald hækki úr 75.000 í 85.000 og aukaaðildargjald hækki úr 37.500 í 42.500. Tillagan var samþykkt án mótatkvæða.

5. Kosning formanns, stjórnar, varastjórnar og endurskoðanda

Fram kom ein tillaga um formann, stjórn og varamenn. Hún var samþykkt einróma.

Stjórn LF skipa.

Formaður stjórnar: Jón Kjartan Jónsson

Meðstjórnendur: Jónas Jónasson, Arnar Freyr Jónsson, Jóhann Geirsson og Benedikt Kristjánsson.

Varastjórn: Hlífur Karlsson, Þórarinn Ólafsson og Birgir Þórisson.



Kjör endurskoðenda.

Formaður bar upp tillögu um endurskoðendur, þá Jóhann Peter Andersen og Braga Bergsveinsson og tillagan var samþykkt.

6. Ákvörðun um laun stjórnar og endurskoðenda

Samþykkt var að stjórn verði án launa en kostnaður vegna endurskoðunar verði samkvæmt reikningi.

7. Önnur mál voru engin og þakkaði fundarstjóri fundarmönnum fyrir góðan fund og gott samstarfið á árinu og sleit fundi.

Fundi slitið kl. 12:30

Fleira var ekki gert

Guðbergur Rúnarsson